

Styringsdokument 2024 - korte utdrag

Felles brukarutval 10.04.24



Vedtatt i føretaksmøte
den 14. februar 2024

Styringsdokument 2024

Helse Førde HF

Helseføretaka skal innrette verksemda si med sikte på å nå følgjande hovudmål:

1. Styrke psykisk helsevern og tverrfagleg spesialisert rusbehandling
2. Styrke forskning, innovasjon og kompetanse og forbetre kvalitet og pasienttryggleik
3. Rask tilgang til helsetenester og samanhengande pasientforløp

Hovudmål 1: Styrke psykisk helsevern og tverrfagleg spesialisert rusbehandling

- Realveksten i kostnader innan psykisk helsevern og tverrfagleg spesialisert rusbehandling skal vere høgare enn realveksten i dei regionale helseføretaka sine ordinære, frie driftsløyvingar, jf. Prop. 1 S (2023–2024)¹.
 - Helse Vest RHF har fått i oppdrag å auke tal døgnplassar i psykisk helsevern i 2024 samanlikna med 2023. Konsekvensen av dette er at eventuelle endringar i døgnplassar i helseføretaka skal avklarast med Helse Vest RHF før endeleg avgjerd. Det må vurderast om også ambulante team som har drift i meir enn åtte timar i døgnet kan inkluderast i kapasitet for døgnbehandling.
-
- Som ledd i arbeidet med å sikre tidleg innsats og heilskapleg oppfølging av barn og unge, skal Helse Førde HF leggje til rette for ei regional utprøving av samarbeid med kommunane. Det blir vist til Helsedirektoratets oppdrag om å greie ut korleis ein kan innrette, pilotere og evaluere ei integrert ungdomsteneste. Helse Førde HF skal på vegner av regionen gjennomføre eit prosjekt for å prøve ut nye løysingar for samhandling med kommunane innanfor barne- og ungdomspsykiatri.

Hovudmål 2: Styrke forskning, innovasjon og kompetanse og forbetre kvalitet og pasienttryggleik

- Medarbeidarar i spesialisthelsetenesta skal oppleve det som trygt å melde om uønskte hendingar og forbetningspunkt. Helseføretaka sine system og kultur for tilbakemelding, oppfølging og læring skal bidra til færre pasientskadar.
- Intensivkapasiteten (kategori 2- og 3-senger) i ordinær drift og beredskapskapasiteten (dvs. kapasiteten som kan mobiliserast ved auka behov) skal aukast samanlikna med 2023. Beredskapskapasiteten skal ha ein større auke enn auken i intensivkapasitet i ordinær drift.
- Dei regionale helseføretaka skal, under leiing av Helse Sør-Øst RHF, ta i bruk løysingar med kunstig intelligens som kan bidra til å frigjere tid hos helsepersonell og redusere ventetider. Effekten av løysingane skal bli dokumentert slik at det legg til rette for vidare innføring. Dei regionale helseføretaka skal også bidra inn i samarbeidet om bruk av KI i helse- og omsorgstenesta som blir leia av Helsedirektoratet.

Hovudmål 3: Rask tilgang til helsetenester og samanhengande pasientforløp

Regjeringa vil leggje fram ei stortingsmelding om akuttmedisinske tenester som omfattar heile akuttkjeda, under dette responstider og ein fagleg standard for innhaldet i ambulansetenesta. Ambulanseberedskaper skal sikrast, særleg der det er lange avstandar til sjukehus.

- Arbeide systematisk med prioritering på alle nivå i tenesta for å sikre effektiv bruk av ressursane til fellesskapet, best mogleg bruk av kompetansen til personellet, og for å unngå overdiagnostikk og overbehandling.
- Gjennomsnittleg ventetid skal reduserast samanlikna med 2023 for somatikk, psykisk helsevern for barn og unge, psykiske helsevern for vaksne og TSB. Målsetjinga på sikt er gjennomsnittleg ventetid lågare enn 50 dagar for somatikk, 40 dagar for psykisk helsevern vaksne, 35 dagar for psykisk helsevern barn og unge og 30 dagar for TSB. Føreseielege, samanhengande, heilskaplege og planlagde pasientforløp føreset god planlegging i tråd med regionale retningslinjer. God planlegging bidrar til rett ventetid og hindrar fristbrot. Helseføretaka skal sørge for at planleggingshorisont og tildeling av timar for alle delar av pasientforløpa er i tråd med etablerte regionale retningslinjer.

IKT-utvikling og digitalisering

- planleggje og gjennomføre aktivitetar som tiltak for å sikre at dei fullt ut kan nytte og ta i bruk allereie tilgjengelege IKT-løysingar. Helseføretaka må realisere effektane av dei IKT-løysingane som er tilgjengeleg. Helseføretaka skal gjere konkret greie for framdrifta.
- Delta i innføring av nasjonale digitale samhandlingsløysingar:
 - Pasientens prøvesvar
 - Pasientens journaldokument
 - Pasientens legemiddelliste
 - Pasientens måledata
 - Pasientens kritiske informasjon
 - Digitalt helsekort for gravide